

# Ҳадис дарслари (215-дарс) Ҳар бир мусулмон билиши шарт бўлган одоб

**Ҳадис**  
ДАРСЛАРИ

**215-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 25.01.2023 4971

لَوْ سَرَّ نَأْهُنَّ عُلَّالِ يَضْرِبُ يَلَعُ نَع  
مَلَسَ وَهَيْلَعُ هَلَّالِ يَلَصَّ هَلَّالِ  
نَجَّالِ نُنْيَعُ نُنْيَبِ أَمْ رَتِّسَ : لَأَق  
مُهُدَحَ أَلْخَدِ إِذَا مَدَّ أَيْ نَبِّتِ أَرْوَعُ  
هَأُورِ هَلَّالِ مَسَابِ لَوْ قِي نَأْءَ أَلْخُلِ  
هَنْسَحَ وَدَمَحَ أَوْ يَذْمَرَّتْ لَأ

Али розияллоҳу анҳудан ривоят қилинади:

«Расулуллоҳ, соллаллоҳу алайҳи васаллам:

«Жинларнинг кўзи билан одам боласининг аврати ўртасидаги тўсиқ

- улардан бирининг халога киришда «Бисмиллаҳи», демоғидир», дедилар».

*Термизий ва Аҳмад ривоят қилганлар.*

Одам боласи халога киришдан олдин «Бисмиллаҳ»ни айтса, унинг авратини жинларга кўрсатмайдиган тўсиқ пайдо бўлар экан.

Уламоларимиз иккала ҳадисни жамлаб, «**Халога кираётган одам: «Бисмиллаҳи, аъзу биллаҳи минал хубуси вал хабаиси», дейиши керак»,** дейдилар.

لَا أَقُوهُ نَعُهُ لَلَا يَضَرَّ رَمْعَ نُبَانَعِ  
هَيْلَعُهُ لَلَا يَلْصُقُ بِنَلَانَاكَ  
عَفْرِيَّ أَلَّجَاحَ دَارًا إِذَا مَلَسَ وَ  
هَأَوْرِيَّ ضُرَّأَلَا نَمُؤُنْدِي يَّتَحُّهُ بَوَثُ  
يُذِمُّرَّتْ لَأَوْدُوَادُ وَبَأُ

*Ибн Умар розияллоҳу анҳудан ривоят қилинади:*

«**Набий соллаллоҳу алайҳи васаллам қазои ҳожатни ирода қилсалар, ерга яқинлашмагунларича кийимларини кўтармас эдилар».**

*Абу Довуд ва Термизий ривоят қилганлар.*

Абдуллоҳ ибн Умар розияллоҳу анҳу ривоят қилаётган бу ривоятда хало одобларидан яна бири баён қилинмоқда. Пайғамбаримиз соллаллоҳу алайҳи васаллам очиқ жойда қазои ҳожат қилганларида ҳеч кийимларини кўтармасдан, уни ерга текказиб, қилар эканлар. Албатта, бу иш аврат кўриниб қолмаслиги учун керак. Буни ҳар бир мусулмон ҳам билиши лозим.

**«Ҳадис ва ҳаёт» китоби асосида тайёрланди**